


frase di Dia

**Amor berdadero
casi nunca ta
wordo declara**

Cuater persona a retira di PPA



ORANJESTAD – Ayera atardi durante un conferencia di prensa, cuater miembro di PPA a anuncia nan retiro di e partido. Ta trata aki di Monica Arends Kock, Mike de Mezas, Antoni Gario y Fernando Perna. E motibo cu nan a retira for di PPA ta pasobra nan no ta sinti cu tin democracia den e partido.

Sra. Monica Arends Kock, ex presidente di PPA

Den partido PPA ta parse cu no tin democracia y ta un hende so kier dicidi futuro di e partido



ORANJESTAD—E intencion semper for di e prome dia tabata cu e partido anterior lo pasa over den e partido nobo, tur miembro ta pasa over y pa e miembronan cu a retira e tabata e mesun partido, pa nan ta un partido nan ta y not a cuenta di bieu of nobo. E miembronan mester a pasa over y esei tabata tardando. E tabata un preocupacion di Arends Kock y e la vocifera esaki varios biaha. Te cu dia di awe esei no a pasa y pa sr. Arends y pa demas

miembro, e tabata hopi dificil pa e miembronan, debi cu nan no tabata sa di esei y sra. Arends como presidente di e partido tabata haya necesario pa e informa nan esei personalmente. Hunto cu sr. de Mezas cu cinco otro miembro a firma pa lanta e partido nobo, tabata poni den un medio cu e no tabata na altura di esei, esei e la clarifica cu no ta corecto. Mirando cu esei semper tabata e intencion y teniendo cuenta cu sra. Arends Kock kier tin

tur cos netjes y na ordo, el a pusha hopi riba e asunto aki pa tur cos keda cla pa ora bai eleccion no ta bai tin ningun problema ya cu tur cos mester ta netjes haci.

Un punto cu ta andando hopi tempo caba y cu tabata den proceso y nada no a wordo haci.

A bin un desaroyo nobo cu e partido tabata tin 7 miembro te resien, anto pa sra. Arends esei no tabata haci diferencia paso tur e reunionnan di diamars a keda teni y tur e

miembronan die partido ta presente y semper a scuchanan y den su opinion nan ainda tin algo di bisa di e partido ei, naturalmente, aunkelegalmente nan no a pasa over ainda, nunca den e reunionnan tabata tin un opinion cu nan no tin anda di bisa den e partido ei.

Siman pasa tabata suppose di tin un consejo di partido, pero e la keda cansela y pa

6or di atardi a keda informa cu tin un reunion di directiva pa 9or di anochi.

Sra Arends Kock a indica cu a no tin problema cu e forma di yama reunion, mientras cu papia cu otro por yega na solucion. Na momento cu Arends Kock a presenta, a keda informa cu ta bai tin votacion inmediatamente riba e liderasgo di sr. Nisbet y su number uno riba e lista.

Sra. Arends Kock a haya esei un sorpresa masha grandi y tur e hendenan den e conferencia di prensa no tabata den e reunion ei. Sra. Arends Kock a indica cu e la informa nan cu ningun momento e la keda informa cu lo bai tin un reunion di directiva y cu ta bai tin votamento of cierto cosnan lo bai ta un punto di agenda.

Sra Arends Kock a informa nan cu e forma di procede no ta corecto y cu si nan tuma un decision riba e punto di Nisbet su liderasgo, e decision ei ta contra di e statuto nan di partido y e votacion ei no ta valido. A surgi combersacion y alrededor di 12or di anochi sra. Arends Kock a bandona e reunion, keriendo cu e reunion a caba. Si nan ta bisa cu na e momento cu e tabata presenta a ser tuma un decision, esei no ta berdad. Den concepto di Arends Kock no a keda papia di e otro decisionnan,

cu e directiva a keda amplia y cu tin cierto hendenan cu ta lider di campaña y cierto decisionnan y sra. Arends Kock a indica cu e la ripara cu nan a warda su persona bandona e reunion 12or anto a tuma cierto decisionnan sin informa e presidente di partido y avisando e cu ta bai tin votamento riba diferente punto ainda. Sra. Arends Kock a indica cu ora cosnan asina ta pasa bo ta haya un sorpresa basta amargo e ora ei y e la haya sa di e ampliamento di e directiva dialuna atardi di sr. Nisbet, cual a sorprende sra. Arends Kock y e demas cambionan e mester a scucha for di prensa. E por bisa si cu e ampliamento di e directiva e no tin problema cu ne, ya cu tabata e intencion for di basta tempo caba cu e directiva di e partido anterior lo pasa over pa esun nobo cu e directiva a keda amplia no ta un problema, peor e problema ta cu no ta tur e miembronan di e directiva anterior a pasa pa e partido nobo.

Den opinion di sra. Monica Arends Kock, ora tin cu bai tuma decisionnan manera cu a tuma luga caminda cu cinco hende ta sinta y bai determina completamente e destino die partido. Sra Arends Kock ta kere nan ta fout bezig y ta haciendo cosnan contra di e principionan. Un partido no ta consisti di directiva so, e ta consisti di tur e miembronan cu tin, enrealidad oficialmente tabata tin 40 miembro den e consejo di partido y ora kier dicidi cosnan asina not a un problema, pero mester scucha opinion di tur hende den partido, anto dor di a haci un cos asina anti democratico, sra. Monica Arends Kock por a conclui pakico no tin partijraad, pakico e consejo di partido a keda anula, paso e hora ei nan tin cu informa cu nan cinco persona nan hunto a tuma decisionnan, aunke nan ta contra di e statuto nan, pa sra. Arends Kock e ta hopi mas serio cu e ta contra di e principio pa motibo cu no a laga e miembronan papia of avisa nan riba e punto aki.

Despues di busca varios solucion

4 miembro a retira for di Partido Patriotico Arubano y dentro di poco lo tin mas cu lo retira

ORANJESTAD — E problemanan den PPA a conduci na retiro di cuater miembro di Partido PPA, esaki ta tanto partido PPA nobo como esun anterior. Sr. Antoni Gario y sr. Fernandes Perna ta dos persona cu a kita nan sosten for di PPA y a participa na e eleccion anterior, sinembargo nan no ta pertenece na e PPA nobo, pesei ta un punto di preocupacion cu a pone e dos miembronan aki retira.

Sra Monica Arends Kock

y sr. Mike de Mezas tambe a entrega nan carta di retiro, mirando cu nan ta miembro activo di Partido Patriotico di Aruba, esta Presidente di e partido y secretario di e partido respectivamente. E personanan aki a dicidi di entrega nan retiro for di PPA debi cu nan no ta sinti cu tin democracia mas den e partido.

Nan a trata na busca tur tipo di solucion pa loke ta sosodiendo den e partido, sinembargo e lider no tabata duna nan atencion.

Un grupo di persona cu tabata bon pa casi 2000 voto, esaki

ta simplemente cuater pa cinco persona, kiernen casi nan so tin un asiento, esei kiernen cu un asiento PPA lo pero den e proximo eleccion, si e grupo aki bai otro partido of lanta nan propio partidō, cual pa hopi hende ta algo mas miho.

E grupo aki a indica cu nan a retira nan sosten no pa uni na otro partido, ya cu si esaki tabata e intencion lo nan a uni di biaha cu nan partido nobo, sinembargo nan a mostra bon cla cu nan a retira simplemente pa malcontento cu tin den e partido.